

光緒十一年乙酉二月拾柒日

三 拜 禮

第四千五百七十八號

新書出售

詮先生毀園文錄
外篇五卷皆言外
洋事務固留心時
事者所得先親以
爲快也並有石印
縮本康熙字典出
售價甚相宜祈爲
光顧此佈

循邇日報館謹啟

選錄京報

諭旨恭錄 六月二十五日奉 旨這所參疏防監犯
越獄之管獄官福建閩縣典史胡永清着卽行革職署
閩縣知縣祁徵祥着先行摘去頂戴勒限將逃犯蕭蘭
甫等趕緊緝拿倘限滿無獲卽行分別參辦餘着照所
議辦理該部知道欽此同日奉 旨這所參疏防越獄
之管獄官雲南蒙自縣典史黃興南着卽革職拿問交
張凱嵩照例審辦有獄官蒙自縣知縣成占春着先行
交部議處仍勒限緝拿逃犯李小五務獲究辦倘限滿
無獲再行分別參辦餘着照所議辦理欽此○二十九
日奉 旨趙佑宸補授太僕寺卿欽此

聞 新 城 羊

督憲張大人本月十二日在署添少爺一位並姑少爺在籍
二日 督撫憲轅報 督憲張 撫憲倪 出府往拜會學
查看各屬水災回補用府唐稟知文開揀檢點進差補用直
一千兩交善後局西甯夜護司張稟辭赴任指分海防先用
紀福解縣審辦○十三日 督撫憲轅報 澄海縣汪稟辭
辭赴太平關_缺用縣沈麟書稟到由潮州回稟銷汲水門洋
繼昌崇知隨周道查水災回候補縣丞伊齋斯歡未入流
到卸事回卸陽江縣丞薛稟銷發給洋人進城護照差補用
海公幹悞刻候補通判王存善特此更正○七月二十三
交卸綏靖勇記名提督鄧正峰補用參將張邦福俱稟到由

聞新外中

請撥款製船提奏爲中法議約已成經由船政司選製新式雙樹鐵甲兵船以壯軍心而聖和局於摺會國仰乞聖鑒俯准撥款事竊查同治十三年倭兵擾臺前總理船政臣沈葆楨疊次商辦鐵甲兵船在事官紳有婉辭諷止者有直言駁辯者而沈葆楨與洋將之言曰有鐵甲而兵輪乃得用其長無鐵甲而兵輪終失所恃者謂其慮患之深不遽信其謀兵之善也迨上年法人犯順各處新報開列法國兵船綜計不足三十號而差電轉運各船亦充其數至上等砲船不過與福勝建勝等船爭猛上等兵船不過與南琛南瑞等船爭快捷以二三鐵甲縱橫閩浙洋面馬江之役七船同沐石沉之役五船俱退離管船者不得其人而虛聲所播士膽先靡要皆無鐵甲而兵輪失所恃之明証也然則懲前毖後之計整頓海軍必須造辦鐵甲時勢所謂無庸再決者矣查有船政出洋學生同知銜魏瀚參將衛汝璽擊陳非翎都司鄭清濂等在洋肄業時逾七年曾經委令監造德國鐵甲兵船閱時頗深據稱法國於光緒十一年製造雙樹鐵甲兵船名柯翼德士迪克士飛禮則唐等三船計船身長中尺十七丈三尺九寸船腰闊四丈船旁鋼甲厚八寸艙面鋼厚二寸每時可行中國海道八十里配用新式康邦臥機計實馬力一千七百匹較北洋德國訂造之定遠鐵甲船身較小與濟遠鐵甲馬力稍輕而駕駛較易費用較減炮位魚雷電燈另購外每船工料估

銀須四十萬兩兩船並造須二十八月可成三船同造三十六月卽竣閩省若得有此等鋼甲兵船三數號炮船快船得所護衛壯則氣揚法船斷不敢輕率啟釁茲稟由提調道員周懋琦繪圖轉稟請示並據試造雙機鋼甲以魏瀚鄭清濂吳德章監造船身陳兆翱李壽田楊廉臣監造船機確有把握如果虛糜工費甘與該學生等一同科罪等語臣等復查疆臣議辦鐵甲十有餘年或因吃水動逾二丈三四尺中國海口較淺出入不能自如所可慮者一閩粵等省船塢過小修理不能勝載所可慮者二船身滯重轉棹未靈管駕不能如法所可慮者三該道員周懋琦等所呈總分船塢機關全船載一千八百墩吃水止深一丈二尺二寸沿海各口均可駛行則出入不難矣船政前爲南洋承辦開濟等項快船實馬力二千四百匹本勘定附廠紅山山麓另造砌石大塢預備修理南北洋快船兵船鐵甲船之用核估工料需銀一十萬兩三四月可以工竣現將次第造辦則修理不難矣三屆出洋學生另請案加展年限每年在外國兵船閱歷須扣足六個月爲期船政又另購夾板復設練船爲出洋訓練學生水手之用則管駕亦不難矣自來兵家有恃乃可無恐先聲足以奪人南北洋籌辦水師頗費財力閩之師久而不出則遲回觀望異意不前法人得窺其微遂乃截商阻漕以欺中國鐵甲未成兵船無護不敢輕於嘗試得以大肆要求幸而諒山復爲我克臺澎不能安據孤拔又伏冥誅餉餉民諱暫時就範然而法人豈能一日忘臺澎耶該道員久官閩臺該學生等籍隸福省均無希圖名利之心祇以馬江死事諸人非其親故卽爲鄉鄰以報仇雪憤之心寄於監作攷工之事其成效必有可觀至所需製船經費一百三十餘萬兩或在洋開酌撥抑或另籌協濟現雖經費異常支絀然必需之款臣等不敢稍有畏難應俟奉 旨後臣昌濬等隨時妥籌辦理所有船政試造雙機鐵甲兵船緣由理合會同馳奏仰臣等更有請者歐洲大局已成連橫之勢中國若再拘于成見情形岌岌可危除製炮造船教將練兵別無自強之道然不開礦練鐵購機造爐事購自外洋財源溢出軍火之費較之洋藥漏卮尤爲緊巨臣宗棠日前拓增船砲大廠一疏仍求 宸衷獨斷天下幸甚此摺係臣蔭森主稿臣宗棠臣圖善臣昌濬臣兆棟會同意見相同謹恭摺附輪船到滬交上海縣由驛五百里馳 陳伏乞 皇太后 皇上聖鑒

五十五分鐘時天文師杜巴由九龍來電稱說有颶風從北而過現在廈門遭其所虐云○銀行派數 東藩滙理舊銀行拖欠各數擬於本月二十二日即禮拜一在新東藩滙理銀行寫字樓第二次攤派每百圓領回銀一十二圓半云○紀數不一 舊金山亞路大報云華人之來往美國者自禁例頒行以來皆有數載茲據稅務司施亞士報稱謂自西歷一千八百八十二年五月六日起至一千八百八十五年六月三十日止計華人之離美國者共三萬三千四百十四人而是處中國領事官則報稱自一千八百八十二年八月九日起至一千八百八十五年六月一日止共計華人離美國者有三萬五千八百八十七人又稅關稱說自禁例頒行以後至西歷是年六月三十日計華人之到美國者共一萬三千六百三十六人而中國領事則報稱自禁例舉行後至西六月一日止華人之到者祇一萬二千二百七十八人觀此來往之數兩不相符未悉孰是也○港督出巡 十三日下午護理香港總督金制軍赴筲箕灣巡閱六房及差署

總署奏派出使法德大臣並充出使比國大臣片 總理各國事務衙門片 再臣衙門前因泰西各國換約以來歷經奏奉 諭旨派員分往各國駐紮在案上年比利時國使臣諾丹高來臣衙門屢以請派使臣為言今該國新任使臣維禮用又申前說臣等查泰西通例以使臣往來為重該國既有使臣駐紮中華自未便拂 所謂惟該國交涉事件無多似不必 簡派專員駐紮查比利時地處法國和國之間中國使臣前往法和兩國必由該國經過臣等公同商酌擬仿照義和英三國之例由出使法德兩國大臣兼充該國交涉事件就近料理較為簡易可否即派許景澄兼充出使比國大臣以資聯絡之處出自 聖裁如蒙 俞允即由臣衙門備辦 國書寄交該大臣祇領費遞所有擬請派員出使比國緣由理合附片具陳光緒十一年六月奉 上諭二品頂戴翰林院侍講許景澄署兼充出使比利時國欽差大臣欽此

欽帥行期 欽差會同查辦事件大臣衛靜齋大中丞於初七日午卸德篆後擇於本月十二日上午八點鐘由甯門大碼頭登舟用小輪兩艘拖帶座船來滬本館已據蘇友電傳登錄在報茲悉靜帥札委洋務局員劉蘭墅明府葆宸前元和令馬漁珊明府海曙隨同憲節赴閩作為隨員並酌調文武巡捕各一員聞統領撫標後營韓古農觀察亦酌帶炮船護送來滬其隨同赴閩與否則未經探悉也○錫陽卿星 仰刻奔瀝滬初六有督轅仁義忠信親兵四營及江蘇標撫滬軍親兵蘇松太道滬軍親兵各一營謁列法界金利源碼頭恭迎旌節上海縣莫邑尊亦飭差預備儀仗齊至碼頭俟候云○簡放稅司 滬報於

初五日奉 上諭前據左宗棠奏內藏餉請開缺回籍當經賞假一月俾資調理茲據奏稱病漸痊懇請交卸差使展假回籍等語覽奏病情殊深廕念自應俯如所請左宗棠著准其交卸差使不必拘定假期回籍安心調理該大學士夙著勤勤於吏治戎機入深閱歷如有所見仍着隨時奏聞用備採擇一俟病體稍痊即行來京供職欽此同日奉 上諭鴻臚寺卿鄧承修奏懇恩給假回籍省親一摺鄧承修着賞假兩個月回籍省親欽此同日奉 上諭李秉衡奏特參文武各員請分別降旨等語廣西補用道劉作循輕浮濫交難資表率着以同知降補候補知府李善昌委辦營務等差逢迎把持延攬勢權着以通判降補候補直隸州知州張秉銓趨附干求廉恥罔恤補用通判鄧文貞最善鑽營聲名甚劣補用知縣首成坤居心狡詐撫守平常候補參將翁長春疲玩取巧嗜好甚深均着即行革職以肅官方該部知道欽此同日奉 上諭李秉衡奏營勇中途滋事請將該營官議處一摺內稱調赴關外之鄂軍各營遣散回防提督胡定坤統帶所部勇船行至南甯府屬三

詩聯珠出售
聯珠一套頭附雞肋賦尾附大觀詩近
十九科館詩題解韻編餘照合璧舊款
詳加較訂精益求精放至今始竣然書
成之日外埠承辦十去其七粵東僅存
數百套每套分釘四卷價甚相宜如
者請至各號面議特此佈聞 一在十
八甫經香閣 雙門底玉山樓 佛山
北勝街天成葵扇店 香港上環履泰
公白店發售 羊城三益堂識 壬午

往新架坡此能等
 火船壹隻名妙
 勿勿沙準本
 月式拾日開行前往
 星架坡庇能孟米等
 貴客附貨搭船者請
 到本行面議此佈
 光緒十一年 壬子
 柴月 初捌日
 澳國輪船公司謹啟

火船
 有火船一
 隻名先沙
 準期於本月拾捌
 日開行前往汕頭
 準如 貴客欲附
 貨搭船者請到本
 行面議
 梁月 拾陸日
 萬順行謹啟

朝鮮設電郵聞 余澂甫陳養源兩太守赴朝鮮設立電線等情疊經列報茲聞余太守等到朝鮮後卽與議立電綫合同六月初四日高王延請入宮飲宴籌商一切初六日與高國外部督辦大臣金允植等會同畫押十三日由漢城起程余太守赴仁川港口陳太守等赴義州大道路路十九日余太守乘瑞威兵輪由煙臺東旋於二十六日回抵天津舉見李傅相銷差並稟明日內入都清厘議東練軍營局撤防善後諸事傅相諭以迅速回津仍須奏派總辦朝鮮電綫工程事宜并囑電致電局總辦盛杏蓀觀察趕備物料洋匠學生等仍飭余太守調齊員弁司事工頭於七月內馳往開工趕辦務於冬初未凍以前竣工但朝鮮天時多雨遍地皆山工作甚不易易余陳兩太守固夙稱明幹然限期如此促迫其果能勉期告成乎○尙未成行大院君將次釋回一節已列前報茲接天津西友來信云大院君尙未啟行仍居岸上先遣丁禹亭軍門至高報知並察看高麗臣民意見若何再行定局是可謂慎之又慎之矣

屈臣氏大藥房

此藥專治咳嗽化痰止咳
無事服之亦健脾胃
功均可常服之
臟腑之功
可以作藥
之良藥也
一錢八分
一錢零八分
每包價銀七分式厘
二錢八分八厘
每樽價銀

洋腿脂粉 此粉揀選頂上飛淨官粉和以西洋胭脂質地滑顏色嬌媚與內地市肆所售者迥別開閣用之助粧最妙宜以清水開調傳面立見豐麗非常可奪桃腰

洋菓子味藥酒 此酒甘香翳膩性味和平無論男婦隨量飲之量能滋潤臟腑顯著顏容有裨益而無損耗洵為杯中物之至寶也

每樽價銀

汕頭泰昌專造儒雅錫器發客

本號在香港上環大馬路水坑口開張專造華英家用儒雅時款真料點銅錫器并各港奇巧洋庄妙工巧造貨真價實貴客賜顧者請移玉步此佈

光緒十一年三月十三日

香港泰昌錫店謹啟

此新開紙

樂街福利源客棧門牌第二四
 蒙期山陳永堂劉昭儉三人同做
 山陳永堂劉昭儉各洲業愿將
 意全盆舖底家私一概頂與增盛
 該項價清交福利源棧舊人安收
 曾揭借欠等項俱歸舊人支理與
 現今新人仍用同福利源棧加三
 目後生意盈虧永與舊人蒙期山
 聲明免致後論
 光緒十一年
 福利源三記棧增盛堂啟